

40

P. lat. rec.

1253

10

HADRIANI RELANDI
ELEGIA

A D

Illusterrimum Comitem

DOMINICUM PASSIONEUM,

Quum

*Inter Harderovicum & Daventriam curru
excussus & allitus solo crus laesisset.*

E L E G I A.



Ngrati nimium colles, & inhospita
tesqua,
Invitis Batavum nomen adeptam Diis,
Quae nullas Dryades, nullas aluere
Napaeas,
Nec laetos Charitum sustinuere cho-
ros:
Non nisi ferales producere digna cupressos,
Quas afflent rauco gutture noctis aves.
Hei mihi! cur vestras nuper delatus ad oras
Infausta cecidit P A S S I O N E U S humo?
Quid violas sacrum Musis caput, impia tellus,
Admissi poenas mox luitura tui?
Pro se, proque suo pugnabit Pallas alumno,
Sumet & irata tela tremenda manu.
Quid nocitura tibi, temeraria, Numina spernis,
Et superos armas in tua damna Deos?
Adspicis ultrices sociorum insurgere turmas,
Et quaevis meritae dira vovere tibi.
Gallia conqueritur tibi tradita pignora Iaedi,
Quae gremio fovit mollius ipsa suo.
Trans Alpes ea fama volat, Latiosque per agros
Fertur, & Europae gloria, Roma, dolet.
Nos quoque, qui colimus Musarum Numina, Belgas
In partem luctus fata venire jubent.
Est aliquid, fateor, nullas emittere flamas,
Nec gravidos tetro sulphure ferre sinus.
Est aliquid, nulli lustrum praebere leoni,
Nec saevo horrendos dente fovere lupos.

Quid tamen hoc prodest, si tot discrimina vitæ
Suggerat infidis terra terenda rotis?
Sed tibi quas diras, imprudentissime scurræ,
Imprecer, o nimio viscera plene mero?
Qui nec ducere equos, nec flectere gnarus habenas,
Cum curru allidis gaudia nostra solo.
Illa tibi eveniant quae Naso scripsit in Ibin:
Par erit haec sceleri poena futura tuo.
At bene, quod tantis vix demum erepte periclis,
Sospite Te liceat, PASSIONEE, frui.
O Patriæ laus magna Tuae, quo vindice Musæ
Septenis celebrant condita Templa jugis.
Qui colis ingenuas, atque idem protegis, artes;
Confiliisque Tuis coepta decora juvas.
Qui doctas stabili connectis foedere mentes,
Nec metuīs longae taedia ferre viae:
Post quae Te reducem quando Tua Roma tenebit,
Vive memor vatis, PASSIONEE, Tui.

HADR. RELANDUS.

Trajecti Batavorum.
a. d. xix. Decemb.
MCCCCLXII.